

北洋官報

目錄

宮門抄

上諭

交旨
奏請○直督等奏查明寄居巴林民蒙情形摺△學部奏
永平府中學甲班生畢業請獎摺△又奏江蘇師範簡
易科畢業請獎摺△又奏請簡員署右丞議摺
公體○冀州京一件△議事會東一件
文告七則△電報五則△新聞十一則
彙編○奉天濟良所章程△河南憲政籌備處辦事細則
△江蘇諮議局議員規約

本局第一百十八期法政學報已出

宮門抄

十月十四日 內務府 八旗兩翼值日 江北副將張金發謝 恩 江甯副將陳煦亮謝 恩 黎大

鈞等同鄉官謝 恩 秀吉等謝 賞加級 恩 全勝謝 賞廕生 恩 敏公假滿請

安 丁振鐸預備 召見 掌禮司奏十五日祭 奉先殿估公行禮 召見軍機 丁振鐸 張

金發 陳煦亮 憲政編查館遞封奏二件

上諭

十月十四日內閣奉

上諭憲政編查館會奏覆核各省州縣事實分別勸懲開單呈覽一摺著依議行各省州縣事實原以考核吏治鼓
動人才乃近來各督撫所開事實詳核者固多而疏略者在所不免揆諸事理殊難憑信似此積習相沿實於憲
政前途大有妨碍即如巡警一項所報事實或僅寥寥數名或尙未經舉辦餘事可以類推定限綦嚴豈容任意
諉飾著各督撫查照歷次奏定章程認真辦理務將事實表冊據實造報嚴定等第毋得稍涉虛濫致負朝廷實
事求是之至意該衙門知道單併發欽此

上諭庫倫辦事大臣延祉因病懇請開缺一摺延祉著准其開缺欽此

旨三多著賞給副都統銜署理庫倫掌印辦事大臣照例馳驛前往欽此

旨歸化城副都統著麟壽補授欽此

交

旨

十月十四日 軍機大臣欽奉

諭旨憲政編查館奏考核提法使官制繕單呈覽一摺著依議欽此

奏議錄要

直隸總督端熱河都統廷奏查明寄居巴林民蒙委無強偪驅逐等摺

奏為遵 旨查明寄居巴林民蒙委無強偪驅逐現又妥籌辦理據實覆陳恭摺仰祈 聖鑒事竊奴才等承

准軍機大臣字寄官統元年六月十九日奉 上諭有人奏蒙旗放墾強逐住戶殊屬苛虐請查禁以靖邊氓一

摺著端方會同廷杰按照所奏各節確切查明妥籌辦理原摺著抄給閱看欽此遵 旨寄信前來奴才方遵即

札委直隸補用道何昭然奴才杰委候補知府德恩候選知縣孫廷弼等前往該旗會同查辦去後茲據該員等覆

稱遵即馳抵該旗按照原奏各節確切查明并取具各該旗等結呈送前來奴才等復會同細核卷宗逐一查詢明

確謹為 皇上縷晰陳之如原奏內稱熱河昭烏達盟凡二曰巴林曰克什克騰兩旗之間有地一段約二萬餘

頃自咸豐同治年兩旗互爭控於理藩院者至再嗣奉 朝旨仍准克什克騰民五百餘戶居住今巴林特為

盟長將地呈請放墾驅逐此數百戶蒙民令徙居於黃岡梁烏博洛等處該處奇寒不毛勢難輕徙是以前次丈荒

滋事經熱河都統派人彈壓令發給每戶銀二十五兩以為遷徙之資一節查熱河昭烏達盟十一旗內巴林左右

翼兩旗克什克騰一旗均隸巴林西界甘珠廟地方與克什克騰旗毗連克旗蒙民遂有竊越至該處游牧者日聚

日衆於嘉慶道光年間屢因爭界互控經理藩院咨行熱河都統督飭各該旗清查旗界奏奉 諭旨該地仍

歸巴林寄居之克旗蒙民四百戶按年交租以清糾葛等因在案光緒三十三年巴林王札嘎爾巴林貝子包

丹那木吉勒旺寶奏請報効蒙荒數處連甘珠廟地方一併報効在內當派員勘丈之時該克旗寄居蒙戶聚衆阻

丈毆傷員役經奴才杰奏明委員會同昭烏達盟長阿魯科爾沁貝勒巴薩爾吉里迪所派蒙員切實查辦該三旗

自行議定克旗蒙民願歸本旗安插巴林願按四百戶每戶資助遷費銀二十五兩共銀一萬兩由應得五成荒價

項下撥給等情呈由奴才杰將一千人証提熟取結完案奏奉 硃批著照所請該部知道欽此欽遵轉行遵

辦亦在案查巴林王札嘎爾實非昭烏達盟長其報効之地實丈得可墾之地共七千九百餘頃均奏報在案原有二萬餘頃及謂巴林王依恃盟長強行驅逐自係傳聞之誤至於克旗地方雖處邊寒較之巴林尤爲沃衍黃岡梁烏博洛等處與巴林地面僅隔土梁一道天時地理大致相同亦不致奇寒不毛難於遷徙又原奏內稱克旗蒙民生長巴林房屋什物俱在豈易輕離故土卽云放墾亦可稍留游牧之所何必悉數驅逐且蒙民亦可按戶給田令與漢民雜處久將習與性成耕穫之道不教自熟裨益非淺若巴林之苛虐如此是未來之生計未籌已有之生計已失一節查克旗蒙民四百餘戶自乾嘉以後寄居巴林閱年雖久然俗安游牧至今不改朝西暮東逐水草而居并無一定處所原奏謂房屋什物俱在難離故土在內地居民安土重遷則有之揆諸口外游牧之風尙未盡合現在巴林旗地已經報効開墾招徠領戶民蒙雜處言語不通風俗殊異既多不便且墾牧並行一處亦斷難利益均沾故凡報墾地內習於游牧之巴林蒙民尙有自行陸續他徙劃分片段爲各保生計之謀克旗寄蒙情形相同况其本旗荒地甚多最適游牧之用尙不致因巴林報効七千餘頃之地失其生計今復給資遷回其體恤寄蒙亦極周至若原奏按戶給田之議檢查原卷當寄蒙阻丈滋事之時曾據該三旗自行議定克民遷回本旗則給遷費銀一萬兩不遷則撥給地二百五十頃任其游牧迨經奴才杰提訊該克旗章京樂山等均願領銀而不願留地具有甘結現復提傳從前列案出結之章京樂山等面詢情形亦屬相同巴林旗實無恃強驅逐苛虐情事此查明寄居巴林民蒙委無強逼驅逐之實在情形也奴才等覆查巴林報効蒙荒丈放開墾并資遣寄蒙安插本旗各節迭經奴才杰奏明辦理現經委員會同查詢明確原爲墾牧兩裨彼此各安生計起見且係兩造樂從事極平允應請仍照奏結原案辦理俾兩旗不致以多年積衅再起爭端至遷費銀一萬兩應由巴林應得五成荒債項下撥給因創辦之初該旗得價無多當由奴才杰墊發銀五千兩本以體恤寄蒙茲查克旗寄蒙四百八十二戶內已領銀遷回四百三十戶尙有未遷五十二戶據稱一律願遷惟懇懇將巴旗應續給之遷費銀五千兩飭令發領等情查巴林墾務未竣巴旗應得荒價不敷現仍由奴才杰在於收存荒債內先行墊撥交林西縣查收一面飭令昭烏達盟長派員前往會同按戶散放俾得一律遷回均沾實惠不准克旗蒙員經手以杜中飽除出示曉諭并將送到甘結存案外所有違旨會同查明巴林旗放墾被叅各節并妥籌辦理據實覆奏緣由謹合詞恭摺具奏伏乞

皇上聖鑒訓示再此摺係奴才廷杰主稿合併聲明謹 奏宣統元年十月初十日奉 硃批著照所請該部知道欽此

學部奏直隸永平府中學堂甲班學生畢業請獎摺

奏爲直隸永平府中學堂甲班學生畢業請獎恭摺具陳仰祈 聖鑒事竊准直隸總督咨開據提學使詳稱永平府中學堂甲班學生因歷年升送各學陸續出校惟餘李煥曾等五人自光緒三十年上學期入堂扣至三十四年下學期止修業已滿五年復因補習功課延長一學期至本年五月始遵章考試畢業并由司覆核各科試卷酌減分數釐定等第計取列最優等一名優等三名中等一名連同履歷分數各表冊到部查臣部上年奏定中學堂畢業請獎一片內開京外中等學堂學生扣滿五年課程一律完全始准畢業請獎等語奉 旨依議欽此欽遵在案此次永平府中學堂學生畢業年限課程均核與定章相符應准照章給獎以示鼓勵所有取列最優等之李煥曾一名擬請獎給拔貢取列優等之單興弟張汝珩趙寶琛等三名擬請獎給優貢取列中等之王世昌一名擬請獎給歲貢如蒙 兪允卽由臣部咨行該督轉飭遵照所有直隸永平府中學堂甲班學生畢業遵章請獎緣由理合恭摺具陳伏乞

皇上聖鑒謹 奏宣統元年十月初九日奉 旨依議欽此

學部奏核議江蘇師範學堂簡易科畢業照章請獎摺

奏爲核議江蘇師範學堂簡易科畢業照章請獎恭摺仰祈 聖鑒事竊准內閣鈔出前江蘇巡撫陳啓泰附奏

江蘇師範學堂簡易科畢業請獎一片奉 硃批覽欽此欽遵到部并准該撫將表冊咨送前來原奏內稱據江

蘇提學使樊恭煦詳稱蘇省師範學堂簡易科學生自光緒三十三年正月入堂至三十四年十二月止修業已滿二年經該堂監督咨司會同考試畢業核定分數計取列最優等黃籓等六名優等鄒紹林等二十二名中等劉樹聲等五名分別等第給發文憑除取列中等例不給獎外詳請將黃籓等二十八名奏咨請獎前來經臣覆核無異等語臣部查定章師範簡易科由官設立年限在二年以上成優績著者得請獎勵此次江蘇師範簡易科畢業按之定章尙相符合所有考列最優等之黃籓路蜚英唐時奚翔錢光鑑邱民等六名擬請比照初級師範中等獎勵

辦理作爲師範科貢生以訓導用令充小學堂及程度相當之各項學堂正教員俟義務年滿以應升之階儘先補用考列優等之鄒紹林劉偉雲何駿文孫遠王猷東宗元孫雲騰張鍾英周翼宗之駿施澤淵陳祖綬吳步鑾陸邁豪史葆光蔣兆文周守仁須寶楨王翰江呈祥張尙文趙宗達等二十二名擬請比照初級師範下等獎勵辦理給予及格文憑令充小學堂及程度相當之各項學堂副教員俟義務年滿作爲師範科貢生獎給訓導銜如蒙
俞允卽由臣部咨行該撫遵照辦理所有核議江蘇師範簡易科畢業請獎緣由謹恭摺具陳伏乞
皇上聖鑒謹 奏宣統元年十月初九日奉 旨依議欽此

學部奏請 旨簡員署理右叅議缺摺

奏爲請 旨簡員署理臣部右叅議員缺另繕清單恭摺仰祈 聖鑒事竊本任臣部右叅議戴展誠經臣等

奏派前往沿江各省抽查學務奏蒙 允准該叅議已於本月初三日啟行豫計明年方能回京所遺右叅議一

缺亟應奏請 簡署以資贊助而專責成謹將前奉 特旨派在臣部丞參上行走之吳魯柯劭忒二員臣部

候補叅議李熙一員暨臣部先後奏派在丞參上行走之候選道嚴復候補四品京堂剛光典二員繕具清單請

旨簡署以重職守再臣部前奏派丞參上行走翰林院編修繆荃孫一員尙未來京故未列入此次單內合併聲

明伏乞

皇上聖鑒謹 奏宣統元年十月初九日奉 硃筆圈出柯劭忒欽此

公牘錄要

冀州朱牧佑保稟辦理巡警各項情形文並批

敬稟者竊查卑州巡警經卑前州祝牧芾經營數載規模粗具城內教練所亦於三月二十六日照章開辦在案卑職於五月中旬到任查警務爲保安要政非經理得人不能以規成績尤非受過教育無由諳悉警章當經親赴各鄉查閱見各村巡警有前經傳習畢業者亦有尙未傳習者其已畢業之人練習在先自不致紊亂秩序而未經傳習之人不諳規章卽不免違越範圍卑職並訪聞各局區遇有賭博偷盜以及鄉民爭鬪等事往往擅自傳局苛罰需索私爲了結不特有違警章而且易壞名譽卽此一端亦係教育不及所致况巡警之設原爲安民而安民則莫

先於不擾卑職並聞各區巡警於分內應辦事宜並不能盡其職務專好搜羅訟案出頭管問擅作威福魚肉鄉愚以致警局被控時有所見似此不能安民反以擾民何賴有此巡警以歲糜民間巨款然巡兵之肆無忌憚違越警章實由於區巡長不明權限不能躬先作則從嚴約束所致辦理既不得人警務焉能起色自非大加甄別不足以維警政而資改良卑職隨時面諭巡官總董各警董各區區巡長巡兵嗣後如村中有賭博偷盜以及鄉民鬪毆傷重等事警兵應即告知區巡長由區巡長轉告巡官警董總董再由巡官等稟州聽候核辦不准再行擅自傳局需索苛罰私爲了結尤不准違禁私自拿賭其鄉民送局賊匪隨到隨卽轉送併不得隔夜拘留致有意外之事一面嚴飭總董巡官認真查察凡有不能勝任之區巡長不合資格之巡警兵及沾染嗜好滋事不法者務須破除情面一律稟請撤換勿稍瞻徇貽誤並議定將未曾傳習之巡警將來一律分調赴所飭令補習使人人咸知警章庶幾有所遵守卑州城內五月二十八日向有城隍大會商民雲集每易滋生事端其時教練所頭班警生尙未畢業惟已在前數月粗諳警章自與未經教練者略勝一籌卑職與警界員紳商酌再三因地面緊要從權先行考試分別優劣派充巡記巡長並各等巡警酌定崗位飭令不分晝夜在城內輪流站崗藉資實地練習另在各區調取二班警生入所教練擬俟二班畢業再將頭班抽換回所令其補習以符定章城內既有站崗巡警尤須有街道路燈庶幾夜明如晝宵小無從匿跡商民藉以乂安所需經費本係地方公益之事應由各舖戶公捐卑職督同四街首事將分派崗巡安設路燈後爲各舖戶禁止土棍詭詐惡丐強討並預防小竊整頓地面之意剴切面勸各舖戶亦知費錢有限獲益良多所有路燈經費均願捐辦無一出頭阻抗各舖戶之深明公益實爲卑職初料所不及卑職又以街道污穢易染疾病飭令苦力人犯將城關大小街巷一律鋪墊逐日打掃務期平坦潔淨便溺一事亦擇僻靜處所分設官廁多處不准當街便溺以期有益衛生所有崗巡路燈清道官廁諸事擬俟城關試辦數月後設法推及鄉鎮徐圖擴充俾文明日益進步至於巡警請領槍枝子彈原備緝捕兇盜之用尋常事件不容擅行施放所有各區分領槍子實存若干卑職均責成巡官總董查明確數令區長警董妥爲保存取具區長警董領結不准散交巡兵之手以免漫無稽考遇有應用槍子之事務須將所用數目隨用隨時報州如不報明查有短少卽令區長警董賠繳並惟巡官是問每遇散放薪餉卑職均係督同巡官總董各區正副警董酌定日期放某區之餉卽令某區

區長巡長帶同馬步巡警齊集總局放餉之日均穿操衣携帶槍械槍枝則擦拭鮮明衣履亦穿著整齊並由警董造具花名清冊卑職點名分發不准一名託故不到卑職仍不時下鄉抽查並赴各區校閱操法巡警應辦各事即於放餉下鄉之便諄諄面諭不敢稍憚煩勞當青苗盛長之際匪類易於潛踪巡緝最關重要卑職除分派馬勇路捕赴鄉查道外並飭區巡長督令馬巡輪流下道巡查周而復始不准稍涉怠忽卑職亦時常親自赴鄉巡查獎勵懲情迨秋收之時亦照前法辦理所以仰託 憲庇鄉間頗稱安靜卑職到任後於區巡長巡兵不守警章滋生事端以及曠誤職守者均分別革換不稍姑容亦有不能振作知卑職遇事認真畏難自行稟退者綜計到任四月官道李鎮區長范立朴自行告退以警務畢業生孫鳳翔接充田村區區長張澤自行辭退以警務畢業生方致儉接充瓦窰區區長陳紀坤自行辭退以警務畢業生劉清濤接充柏芽莊分區區長朱維翰自五月二十日請假至七月十二日尚未銷假該區久無區長諸事曠廢當經撤退以教練所教員王級祥補充遞遺教習以教練所會計吳振卿暫行兼辦沙村分區區長張躬行請假兩月有餘延不銷假曠誤職務亦行撤退以警務畢業生張文沼補充並斥退私自逃走不守堂規巡警張藍章一名又斥革約束不嚴之中區巡長楊振海谷元振二名以魏寶善鄧桂馥充補又斥革在教練所擅用軍棍毆打伙夫巡警石羣華一名又斥革在教練所不安本分巡警張金榜鄧鵬鷺二名石羣華張金榜鄧鵬鷺均係退伍兵並移隊官嚴加管束又斥革在外滋事警兵劉繼鎮一名自經分別革換在事之人無不益加奮勉現在城鄉巡警均能恪守警章盡心職務地面賴以安謐商民人等無不稱善形式精神實有日新月異之象此皆賴有正總董羨鍾嶽副總董馬維霖公正素著衆望允孚巡官兼內堂教習齊慶甫辦事勤慎頗能耐勞教練所外堂教習趙景蘭內堂教習總局稽查姜殿凱實心教導勞怨不辭大衆一心方能有此成效惟查姜殿凱本係保定高等警務畢業生出身頗有才具因係稽查名目尚不能盡其所長近來應辦警務日益繁隨卑州地方遼闊僅止巡官一人既慮難以兼顧又慮耳目難周擬懇 憲恩俯賜將該稽查姜殿凱升為卑州副巡官由警務處照章加札委派以示鼓勵而專責成於地方必大有裨益除仍由卑職督同員紳認真整頓外所有卑職到任後辦理巡警情形並請升稽查為副巡官各緣由是否有當理合稟請 大帥查核訓示祇遵實為公便肅此具稟恭請 勅安伏乞 鈞鑒

督憲端 批據稟已悉查巡警爲保安要政若遇事苛罰任意需索是安民而適以厲民矣苟非地方官留意教育嚴行懲戒其爲流弊何所底止該署牧旣將滋事曠職各長警隨時分別革換并於警政內應辦各事復能悉心部署辦理尙屬妥帖即應接續切實整頓力求進步勿得始勤終怠徒驚虛聲仰警務處轉飭遵照至請將稽查姜殿凱升爲該州副巡官之處併由處酌核委派稟抄發此繳

天津縣議事會稟請 督憲重申纏足禁令文

敬稟者案據天津縣拔貢生王嘉善到議事會投遞說帖內稱爲請提議禁止婦女纏足重申禁令以維風化事竊思婦女纏足陋習自南唐迄今積重莫返種種弊害人人能言年來雖屢經 諭旨禁誠官府勸導而稍革陋習者不過通都大邑縉紳士宦之家外此仍多錮蔽現當女學大興文明日進豈容此等污點常留天壤貽笑外人聞

督憲端前在南洋曾出示嚴禁並訂罰約風行雷厲觀聽一新貴會副議長劉亦曾創立天足會社於天津極力倡導成效昭然第恐日久懈生積習難挽惟懇力爲提倡並詳請 督憲重申禁令出示嚴禁以維風化實爲公便

等情謹按婦女纏足傷殘肢體洵爲女界中致病之源近奉 諭旨禁誠并蒙 列憲提倡女學開通智識凡縉紳士宦之族漸知解放而囿於風氣者仍復不少現屆文明進步之秋非亟圖嚴禁不足挽風化而重衛生前聞我

憲台總制南洋嚴垂禁令陋習頓除固已同聲感頌茲值 帥節北臨尤復諄諄誥誡以革此弊害爲先闔境紳民允宜互相勸誡惟恐人民智識不一未及周知仍請 廣申厲禁嚴定罰章責成各家長婉言規戒庶使女界中

聞風知改積弊自除議員等有維持風化之責茲查該說帖陳述各節是否有當用敢據情上陳冀頒女誠所有王嘉善請禁婦女纏足據情稟請嚴禁緣由理合繕具稟由恭請 崇安伏維 鈞鑒

文告錄要

農工商部批示○汲縣商務分會總理張玉鏡稟 批據稟已悉前據勸業道所稱變通船會章程本部尙未核准

俟核奪後再行飭遵此批○江西船商幫董王應元稟 批稟悉該會會董秦長庚徐體元王鳳鳴蓋金章徐培元彌慎德等歷年襄辦會務并倡地方公益洵屬熱心任事仰即傳知嘉獎以示鼓勵仍當始終勿怠以副本部

期望此批

督憲批示錄要○候補道丁象震稟請開去兼差由 批據稟已悉查該道才識俱優兼任數差本屬綽有餘裕惟

據稱新病初愈氣體較虧請將本轄文案暨會辦清理財政局兩差暫行開去具見該道辦事認真制行不苟至

堪佩仰自應如稟照准以示體恤除行清理財政局海防支應局查照外仰即知照繳 十月十三日

藩台牌示○廣平府訓導沈鈞病故遺缺委試用訓導陰耀清署理 武邑縣知縣李綺青升補吉林綏分廳同知

遺缺擬以裁缺即用知縣俞良臣請補 深澤縣知縣孫毓琇調補臨榆縣知縣遺缺擬以候補知縣曹鳳來請

補

學台批示○直隸優級師範畢業生韓路卿郭步瀛張彭賢等稟請咨送分科大學以資深造一案 批稟悉候據

情咨送 京師大學堂候覆飭遵此批

天津縣議事會公告○文童陳右賢說帖爲再請開議事 議覆說帖閱悉候請董事會併案從速辦理此覆○高

煥文說帖爲陳請秉公辦理事 議覆說帖閱悉候據情函請董事會各員照章到會至選舉事宜自當秉公核

議此覆○張玉珍說帖爲違例絕人後嗣懇恩評議曲直事 議覆說帖閱悉事關民事爭議非兩造均認本會

不能調處此覆○李樹林說帖爲奸東狡賴懇將保條請驗爲憑事 議覆說帖閱悉事既成訟本會照章不能

核議此覆○職員王榮紳說帖爲再懇申述事 議覆說帖閱悉候開會時統就工務全局從長核議此覆

天津縣董事會公告○馬清泉等爲太虛觀廳房懇請寬限說帖 議覆說帖閱悉該廳地早經賣出各當主已經

領價限至十月二十日一律騰清已屬格外體恤勿再延緩此答○沈孫氏爲違批瀝陳懇請免租說帖 議覆

說帖閱悉候查明核議此答○于筱泉爲允准認租請發執照說帖 議覆說帖閱悉請來會照章議租此答

○僧人淡靜爲聲明西大藥王廟墜地請查驗註冊說帖 議覆說帖閱悉候即查明註冊此答

附錄天津官事○督憲札委候補道潘觀察志俊總辦北洋官報局兼印書事宜

電報錄要

路透電○西十一月二十四號電云中國調查海軍大臣洵貝勒日前在英國外務部議會蒙英國大員格外優待

柏林電○西十一月二十四號電云奧皇前擬於月內赴義國京城並羅馬地方游歷今已作罷論

東京電○刻下由日本至檀香山之無線電報正在工忙之際約至本年西十二月間可以竣工又聞由日本鍊子地方通舊金山之電報已經開辦試驗頗覺靈通云

又電○本年據日本調查部報稱今歲本國染赤痢疾者約有二萬二千六百九十一人較去歲減少四千七百八十九人其中因痢死者五千八十五人較去歲減少一千八十一人並有時症一種初發時覺大腸發熱計今歲傳染此病者有一萬八千一百二十六人較去歲增加四百十九人因病死者三千六百四十九人較去歲增加五十四人刻下日本發現此症甚爲危險云

新政紀聞

政治

函覆議員辭職事○天津縣議事會覆議員王君新銘函云敬啓者昨奉函示備悉辦理學務未能如期到會特援自治章程第十六條凡議員任期爲二年任滿後改選之再被選而欲辭職者聽之等語決意辭職當經公同開議僉謂閣下到會係盡義務已滿二年此次辭職洵與章程相符碍難強爲挽駕祇得謹遵台命順請著安并希鑒察

函請遞補議員蒞會○天津縣議事會致遞補議員劉君鍾霖函云敬啓者案查地方自治章程第十六條第四項議員出缺以復選舉名次表前列之被選者遞升補之等因茲據王議員新銘以辦理學務未能如期到會援二年年任滿辭職者聽之章程函請辭職業經公同開議核與章程相符議准在案當查復選舉名次表應以閣下遞補想尊駕學品兼優鄉閭翕服惟希大發熱力藉以裨義務而慰輿情理合恭請蒞會任事以維公益是爲至禱爲此具緘肅請順頌公安諸維台鑒

學務

歸化城將興教育○歸化城一帶蒙民向業耕牧於教育風氣全未開通現在預備立憲殊多阻碍三都護多到任後後注意振興蒙民教育務期普及擬速設小學堂及半日學堂十餘所將咨請學部核定施行云

簡易識字模範學塾開學○江蘇提學司前稟撫院擬在城內先設簡易識字學堂五所爲各屬模範業經勘定校所出示招生在案茲悉每塾共設學額五十名現已一律招齊當由總理各小學堂事宜徐惠宇直判稟明樊介軒學司於月初開學

札飭維持女學辦法○杭州毓秀女學堂規模課程頗稱完備惟常年經費支絀萬分前經該堂堂長命婦杜傅氏具呈提學司擬請撥助仁邑串票經費俾資進行等情茲奉學憲核准札飭首縣略謂該女校本學期所收學生盜於原額足見辦理認真現擬添設高等一班延聘女師範畢業生擔任教科兼管理一切亦屬正當辦法並據省視學調查該校辦理尙屬整齊惟經濟不足難以持久諒係實情惟該縣串票費洋早經定案分撥正蒙學堂暨仁錢教育會支用礙難再行提撥應如何量予補助之處仰仁和縣會同勸學所妥速查議復奪

財政

咨行各省勸設殖業銀行○度支部近日咨行各省謂各項銀行則例前經擬定通飭一體遵照在案查殖業銀行之設爲農工倚賴轉輸之機關東西各國實業之進步悉由於此現當振興實業之際亟應提倡籌設廣爲勸導以堅振興實業之基礎

推廣公益銀行之提議○陸軍部所設之公益銀行係專爲匯兌軍餉并儲蓄軍界人之銀物起見昨聞鐵尙書以此項銀行關於軍界銀餉頗爲重要現西北邊防正急一切經費非有專一銀行不足以資接濟擬在內外蒙古及西藏山陝各邊省由部撥籌軍餉設立現正擬定章程俟明春一律實行云

開辦北路鹽務分局○黑龍江省鹽務自歸官辦其沿江一帶及呼綏巴海等處早設有分局派員辦理瓊璣墨爾根東西布特哈等處因路途遠轉運艱難故遲延至今尙未設局開辦日前鹽務總局姚總理以現在黑河嫩江兩府均經到任該處應設之分局萬難再緩故稟請督撫憲委派妥員前往開辦以應民需而重鹽政云

實業

組織貧民女工廠事○天津商務總會於十二日午後四鐘由總協坐辦會董等會同商業研究所正副議長及諮議局員議事會議員商議組織創設貧民女工廠以爲收留貧婦學藝俟藝工學成再給機品一架令其家中作

藝云

樹畜公司暫行簡章○江蘇華亭縣柘林莊董顧君巨廬等熱心實業發起糾股創立浦南樹畜公司將近海一帶荒地淤河分別栽桑養魚等事辦有端倪稟縣立案轉詳當經華亭縣張大令批令擬章核辦業經顧君邀同各董議就暫行簡章稟復先從柘林開辦養魚入手再行推廣樹藝其章程錄下 一名稱 名為浦南畜植有限公司 一業務 先從養魚種樹入手以及各種畜植 一事務所 暫假溧柘養正學堂 一股本 擬由二十元擴充至萬元每股五元今歲至十一月底先交三元來歲三月底繳齊換給股票息單於收股時隨給收條不准外人入股 一官利 年息八釐自收到時起息 一餘利 作二十成分派股東十成公積三成地方公益捐二成花紅一成經理一成董事一成查賬一成 一辦事 經理一人董事五人查賬二人均無俸書記會計兼一人有俸 一收款處 由招股人經收給發收條用本人圖章 一工股暫定三十工為一股 一發起人 承認二百股 一佈告方法 由發起人登報 一擴充 除試辦各處外更有合宜畜植之處逐漸推廣老股可得七成股分就近另招新股三成俾利益均沾而便照料 一註冊 本公司依照部章成立前半月稟請咨部註冊 一會期 每年正月開常會一次如有要事集商依公司例開特別會

雜記

天津青年會購地募捐啓○敬啓者敝會忝屬教育界一部分創設本埠已試辦十有三年矣本體育智育德育之宗旨以造就青年庚子以還首開普通學堂以啓迪後學爲北洋大高官私立各學堂之預備科漸此擴充會務添設閱報處體操場游藝所格致博物各室並方言夜館時開演說宣講茶話等會以期仰副 國家開通風氣輸入文明之至意第因辦公會所向係租用非特租價匪輕規模亦有未備今春中韓青年會總委辦巴樂滿君過津與公董決議當爲本青年會建一合宜會所其修築費十萬元允由美國善會代籌購地一節例皆就地籌款七月上旬於東馬路已購安地基一段坐落適中價值及建修限內所缺經費應共籌四萬二千八百金方可敷用夫集腋可以成裘衆擎乃見易舉除自月前已經募得捐款外尙缺萬兩之譜不得不仰仗官紳商學各界善士解囊慨助茲特展限至本月二十五日冀凡熱心公益有意贊成者勿拘捐數多寡皆可就本會募捐委辦員冊內書明或逕函寄城內經司胡同交志學會社董理處掣取收條爲據務祈將 台銜及住址開清以便登報且願造訪領教也

一所中婦女擇配後如在夫家不安本分或其親屬藉端攪擾而在三年以內者准其夫呈告本所酌量處理
一本所收回之婦女原領娶人所繳身價捐款概不給還

一本所爲節款核實起見不另請女教員一切訓誨約束等事均由女管理一人擔任

一所中婦女由女管理先教以粗淺文字總以勤習女工謹守婦德爲主意至筆算美術音樂等學俟擴張後體察情形再行延聘教員指授一切

一婦女既入所中不得無故外出縱有萬不得已之事亦當陳明女管理轉稟總理核奪

一如有到所參觀之人須由總理許可員紳接引並知照女管理方准入女舍考查

河南撫署憲政分年籌備事宜考核處辦事細則

第一條 考核處就撫署文案處增設專司考核籌備憲政事宜所派各員自總理以及稽核員均由文案處或調查局委員兼充不另支薪水以節糜費

第二條 處中一切事宜均由撫憲督辦主持由總理幫理督同各稽核員辦理

第三條 處中如有應行事件即由各稽核員擬稿開摺呈請總幫理署名蓋章轉呈撫憲核定施行（公文內應稱據憲政籌備事宜考核處案呈云云）無庸刊發關防其各處咨呈文件亦照舊呈送撫院無庸另送考核處

第四條 考核處所辦之事以憲政編查館奏定逐年籌備事宜清單內所載各項爲限其他新政事務不在考核範圍以內

第五條 考核處稽核員之職掌分設五股如左

第一股 主辦諮議選舉自治各事宜

第二股 主辦財政事宜

第三股 主辦審判戶籍各事宜

第四股 主辦教育官制各事宜

第五股 主辦巡警事宜

以上所分五股係就 館頒清單內督撫應辦之事均勻支配創辦之時事有繁簡仍應通力合作以均勞逸

第六條 如上所分各股事宜均有主任之衙門局所第一股事諮議局兼自治籌辦所任之第二股事布政司清理財政局任之第三股事按察司布政司任之第四股事提學司布政司任之第五股事巡警總局任之考核處祇有考查督催之責其如何辦理仍應由各衙門局所受其責成

第七條 考核處將每年籌備之事及辦事之次第逐項定一期限表凡第二年所定之期限須於第一年十二月初間宣布

第八條 考核處以獎罰勸懲爲第一要義應擬辦事功過章程呈由撫憲核定通行遵照

第九條 各衙門辦事之成績每於月終統計彙編簡明一覽表分別殿最以資查考

第十條 凡各衙門所辦籌備範圍以內之事如考核處有須特別調查者得由總理呈請撫憲派員往查所需川資薪水銀兩由處酌定數目行知支應局照數支發

第十一條 查憲政事極煩躋非有執行之機關不足以資倡率而示準則應由考核處將關乎憲政之來往文牘章程等項每月選刊一冊名曰憲政月報通行閱看其詳細條例及辦法均俟另訂專章

第十二條 凡本則未盡事宜得由處中在事人員隨時會議擬具草案由總幫理呈請撫憲核奪辦理

江蘇諮議局議員互守規約

第一條 本規約取議事細則第九十二條第三項之意義定名爲議員互守規約

第二條 本規約訂定之宗旨在求各議員恪守規章勉盡職務

第三條 本規約所應訂定之範圍如左

一關於各議員請假之事

二關於會議時各議員到會時刻之事

第四條 凡赴召集之議員在開會期中除非疾病及實有要事不得任意請假

第五條 議員如有事故請假務須照議事細則第九十二條第一二項所定之方法辦理

籌還國債會緣起

嗚呼我同胞亦知中國之瀕危乎互市以來泰西製造日精實業日進我則工商不振生計維艱以故通商垂七十年每歲流出金錢不下數千萬初以中國地大物博視爲癬疥之患自甲午一敗庚子再敗兩次賠款至六百五十兆兩查我中國每歲進款僅百兆上下平時入不敷出已屬萬分拮据於是不得不借外債以清償之按外債利息不同年限亦異統新舊而核計之共需銀一千五六百兆以如此鉅款將何所取償乎漢文之銅山不再則財非出自朝廷子文之毀家無聞則財非出自官吏凡我同胞實無一人不負國債之責任也以故近年以來常關則改隸鈔關稅項增加矣釐金則按照關稅抽收折半矣推之民間所食所用所需無物不捐稅加重翔貴異常草野生機奄奄垂斃今國家方且以煙稅遞減海軍待興急欲推行印花以資抵補在朝廷厚澤深仁詎願

行此竭澤而漁之計然明知鳩酒漏脯而不得不飲之食之者以重大之國債逼迫使之然也雖今日新政繁興理財練兵防邊修路以及警察衛生工程自治諸大端何一不需鉅款而獨謂關債之逼迫者緣各省每年之籌措皆以清還國債爲正宗而凡百新政勢不能不另圖取償也田斯由推民間生計之艱實由捐稅之重捐稅之重實由國債之多而國債之多其原因又實由賠款之鉅同胞乎同胞乎國家以百兆進款而負以十餘倍國債而此十餘倍國債將來又必取之於民遷延日久利息漸增而吾同胞之負擔亦益重中國縱無內憂外患即此一端已足亡國而有餘況今日晴天霹靂噩耗驚傳復有海牙公會監督中國財政國政之消息乎由前言之其事可憂由後言之其機尤可危昔埃及之亡於英也實亡於外債以叢爾埃及先後欠一千兆元之債款後以無力償還英法兩國始則要求埃及政府聘其國人充理財顧問官繼則爲之募民債加租稅財政大權胥歸掌握終則爲之裁兵餉清地畝增貴族捐稅使其民窮財盡不能自存卒至殺其大臣廢其君主而埃及永隸於英籍矣殷鑑匪遙可悚可懼然而法之敗於普也議償賠款至八百兆兩並普之戍兵費其責償於法國勢危亡間不容髮乃法大臣梯耳倡議籌還萬民響應不數月悉數清償毫無棘手萬國之人鼓掌叫絕故法至今仍不失爲強國同胞乎同胞乎將欣羨安富尊榮五洲稱雄之法蘭西乎抑樂效奴隸牛馬萬劫不復之埃及乎倘我國人視此爲不急之務則異日中國財政大權旁落任人搜括雖欲破家紓難而不能曾記明季流賊亂急莊烈帝勸捐助餉在廷諸臣多者輸將不過

數萬及李自成以酷刑誅求積儲罄獻而尙不免於死追維往事未嘗不太息痛恨愛家不愛國者卒至國破而家亦隨之也今之熱心志士以外人監督財政之問題奔走呼號聯合同志擬請政府速開國會清釐財政以保主權而究之國債一日不清則種種施設悉難著手敝會有鑒於此連日齊集全體會行各董熟籌善策僉謂中國窮困病源悉由國債國債不清財政日絀清釐何有即速開國會亦恐無解決之時止沸揚湯何如徒斬曲突此籌還國債會之立洵爲救國救民之要著而不容稍緩者也惟茲事體大造端必求詳審補助不厭衆多復鑑於國民捐之覆轍故命名爲籌還國債會人人有擔負之任人人並有勸導之責況各省諮議局議董兩會現已成立民智大開團體日固惟望羣策羣力以圖其始不息不懈以觀其成是以略述緣起敬告同胞如樂贊成即請分途聯絡共紓國難以救危亡將來國債清償即財政清釐之日亦即國會開幕之日也應如何安定辦法請各抒所見開會定議以便稟請立案

天津商務總會啓

鳴謝助款

邑紳花翎候選道李公鴻翰謹遵故父李公鍾琇遺命節省喪食以例銀三千兩捐助本堂經費業經收訖當此籌款困難承大紳善承先志慨濟多金實爲好義可風同深感佩除由本堂詳請督憲奏獎外理合登報鳴謝以爲樂善好施者勸

天津廣仁堂謹啟

直隸高等工業學堂招生廣告

本堂分高等科及中學科凡有中學畢業或修業及高等小學畢業者自十月初一日起至十一月二十九日止來河北黃緯路本堂取閱詳章報名幸勿遲悞

請看開平塊煤大減價廣告

刻值隆冬本公司特備一種煙小火湧之塊煤專供津郡各學堂局所公館以及各租界商家燃爐煮飯應用每噸零整定價大洋八元九現在老龍頭辛莊均設立分廠儲有此煤以備光顧就近相購者捷便若弗自取請賞一音本公司自備有安實車脚代能送去其脚力品之路途遠近現議較自僱必格外公道其各種焦炭煤價亦從廉恐未週知特報宣聞

電話一千二百九十三號

河東糧店街廣昌公司謹白

新 號
告 司 公 限 有 灰 洋



啓者本公司係承唐山洋灰公司老廠另購外洋最新式機器旋密等制
新廠自丁未臘月新廠開機以來出貨加增行銷愈廣灰質經本廠西洋化驗
師悉心研究精益求精會寄由德國國家柏林及日本關東都督府各化驗所
驗得動力堅力及凝結時刻灰之粗細均合要工所用其成色與外洋最高之
貨相等尚有機器製造之缸磚花磚洋灰瓦水溝管矸子土等項無論躉零交
易均可本公司總理處設在天津海大道英租界並在北平奉天大連烟台牛
莊青島上海漢口南京鎮江各埠均設有經售處如蒙賜訂大批價值從廉
交貨不悞期限所有洋灰及各種磚瓦等件重量式樣大概用法另刊有華洋
文廣告 光顧諸君請向本公司索閱面議一切可也
德律風一千三百零九號

利 文 洋

大小皮包法
式面講可也

本行開設天津上海香港志呢華海參威等處均設立有年諸班貨物由外洋本機器廠自造
蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶
鑽石戒指耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡
大小皮包法該洋號又新到轉盤換調話匣八音盒價值格外從廉仕宦官商尤願者請移玉紫竹林法租界
本行主人啓

瑞 林 祥 元 記
綢 緞 洋 貨

本號開設北京前門外鮮魚口天津估依街中間路北山東濟南府院西路北自置綢
緞紗羅顧繡絨絨洋貨布疋各色喇哩厚呢京廣什貨俱全貨高價廉劃一不二後廳內專售
線貨織絨袍料衣包被套口袋線襪毛毯零貨均照行價發兌中外 紳商賜顧移玉是幸
瑞林祥元記具

武 齋 洋 行

本行開設天津 於茲二十餘年 自運各種洋貨 絨紗布匹綢緞 繡花屏風鏡額
磁銅料器球藍 奇巧美術玩器 學界文房用品 旅行携帶等件 精工變身物料
定織各色蓆氈 現又擴充樓房 極其寬闊高大 如蒙官商光顧 價值格外從廉
本行隨便入覽 電話一千三百七十四號 天津法租界 武齋洋行謹啓

天津商務印書館新書出版

商務印書館出版各書上海總發行所 分館 發售

欽定大清會典事例全書 會典 版式大小謹遵 進呈原本 商務印書館恭印

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四册分裝八十二函計會典六函事例六十四函圖志函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今今年止凡二十五期其初蒐無故事朝野皆奉一憲政爲準繩爲國

爲民政府與議員各盡其道中間財政之抗爭法律之改訂或以爭執爲攻錯或以利衷爲救濟政府之待遇議會與議會之對付政府皆新立議會者必經之層折吾國現狀與此適合不但行政官與議員急宜人手一編以資觸發無論何人皆宜循覽庶知人民參政之實際全書分訂四册定價一元五角茲因諮議局不日開辦趕將前二册先行出版後二册七月出版預定者實價一元收到書價後即交前二册並付收條俟後二册出版時憑條取書特此預告外埠郵費照加

天津分館開設 河北大胡同 電話 五百二十六號

督署兩等小學招生廣告

一宗旨 以合教官紳士民子弟為主不分省界

二地址 在督署後天緯路北

三學級 本校分高等初等兩級

四課程 高等國文 歷史

地理

格致 算術 手工 音樂 英語 體操 第三年第二初等

學期酌添農業商業工業為隨意科任各學生認學一科

體操 第二年第一學期添歷史地理

五年齡

高等以十四歲以下十一歲以上為合格

初等以八歲以上十一歲以下為合格

六學費 免收

七膳費 由本堂備午膳不收費

不在堂內用膳者聽

八書籍操衣

費 均自備

九資格 高等以能作短文為合格 初等以能識字能寫字為合格

十卒業 高等初等均以四年卒業

十一獎勵均遵

部章

高等生卒業最優等得獎廩生優等獎增生中等獎附生 初等由督帥及 提學司考試分數合格由本校發給卒業文憑准其升學 侯傳考惟本人父兄不得作保證人

十二報名

由學生父兄偕同妥實保證人至天緯路北本校報名聽

督署兩等女學招生廣告

一宗旨 以合教官紳士民女子為主不分省界

二地址 在督署內後花園

三學級 本校分高等初等兩級

四課程 高等國文 歷史

地理

格致 算術 圖畫 女初等 讀經 國文 算術 音樂 女紅

紅 音樂 英語 體操 第三年第一學期添歷史地理

五年齡 高等以十四歲以下十一歲以上為合格

初等以七歲以下十一歲

以上為合格

六學費 免收

七膳費 由本堂備午膳不收費

不在堂內用膳者聽

八書籍操衣 均自備

九資格 高等以

文為合格初等以能識字能寫字為合格

十卒業 高等初等均以四年畢業

十一報名

由學生父兄偕同妥實保人至天緯路本校報名聽候傳考惟本人父兄不得作保證人

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗如獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

預 告

本報繙譯路透電報錄要一門倘值詞意兩歧或偶有訛誤之處閱報諸君如有匡謬當隨時更正特此佈達

本報繙譯處謹白

謹將第二次甘賑匯款覆電廣告

九月二十二日午刻接甘肅毛碩君方伯慶蕃覆電天津三十里丁春兄鑒賑款蘭平足六千五百兩已收到敬謝蕃皓印按前項賑款內係京都恆裕金店籌賑處匯來京平銀三千兩天津官報局籌賑處公估平銀三千五百兩分交蔚豐厚協同慶兩莊於九月初十日由津電匯甘肅今得覆電特此登告

再查甘賑已無須接濟同人公商擬即停止所有已經書捐及未書捐捐冊務望於十月初十日以前一律交回以便照刊徵信錄

天津官報局甘肅籌賑處謹啓

京奉鐵路局廣告

啓者查北直貧民每歲赴東省一帶充當小工往返之時每以火車票價有定日無力搭乘是以本局格外體恤減收票價歷辦在案茲值該小工等旋里之時本局訂自九月十九日起每日夜間照常開車一次裝載此等小工由瀋陽新民屯至天津或至塘沽軍糧城每人減收票價洋四元又由營口至津沽軍糧城每人收票價洋三元以示體恤倘有客商混載其間定即查拏究辦該小工等每人祇許隨帶小包行李一件不得夾帶私貨除知照鐵路巡警隨時稽查外特此佈告

天津南開私立第一中學堂招考新班學生

插班

學生

考期一在本年十二月初六日上午一在明年正月十八日下午